

Ráŋggáštusáššiid ođđasisrahpankommišuvdna

Dieđut gillájeaddjái ja lagamus mañisbáhccái

Gillájeaddji sajádat go ráŋggáštusášši gáibiduvvo rahpojuvvot ođđasit

Ráŋggáštusproseassalága mielde lea gillájeaddjái, dahje lagamus mañisbáhccái nu mo lágas celkojuvvo, addojuvvon nannejuvvon sajádat go duopmohas gáibida ráŋggáštusášši ođđasisrahpama. Dat mielddisbuktá, ahte gillájeaddjái/lagamus mañisbáhccái galgá addit dieđuid ja vuoigatvuoda beassat oaidnit áššedokumeanttaid, ja sii galget beassat cealkit oainnuset ášši hárrái.

Muhtin duodalaš áššiin kommišuvdna sáhtá nammadit veahkkeadvokáhta gillájeaddjái/lagamus mañisbáhccái jos nu lea sávaldat.

Vaikko gillájeaddji/lagamus mañisbáhccái ii háliit geavahit vuoigatvuodaidis lága vuodul, de sáhtá kommišuvdna váldit oktavuoda gillájeaddjiin/ lagamus mañisbáhccáiin, ovdamearkka dihte go dat háliida čadáhut vihtangažadeami.

Objektiivva árvvoštallan

Ođđasisrahpankommišuvdna lea viidát čohkkejuvvon sorjjasmeahtun orgána. Kommišuvdna galgá objektiivva árvvoštallama vuodul mearridit divvetgo ođđasisrahpama eavttut. Dat mearrida ieš bargovugiidis, iige dan sáhte gohččut.

Ođđasisrahpama eavttut

Válđoákkat, maid vuodul ráŋggáštusášši riektvuommálaš duopmu sáhtá oážžut ođđa meannudeami rievttis leat:

- Ođđa duodaštusat dahje dilit, maid vuodul veadjá leat vejolaš áššehuhttit dahje addit mealgadii láddásut ráŋggáštusa.
- Riikkaidgaskasaš duopmostuollu lea nannen, ahte mearráduš dahje áššemeannudeapmi soahá álbmotrivttiin, nu ahte lea vuoddu navdit ahte ođđa meannudeamis šaddá eará boadus.

- Jos giinu, geas lea leamaš váldodoaibma áššis, lea dahkan iežas sivalažžan ráŋggáštahtti dahkui, mii sáhtá leat váikkuhan mearrádussii.
- Jos leat erenoamáš dilit, maid geažil ii leat sihkar leago duopmu riehta, ja go duodalaš beroštumit čujuhit dasa ahte ášši galgá árvvoštallojuvvot ođđasit.

Vudolaš guorahallan

Ođđasisrahpankommišuvnnas lea ovddasvástáduš guorahallat vudolaččat ášši rievttálaš beliid ja duohtabeliid, ja dat sáhtá viežžat dieđuid vugiiguin, mat adnojuvvojit ulbmillažžan. Kommišuvdna sáhtá earret eará gohččut duopmohasa olbmo ja vihtaniid, maid dáid gillájeaddji, boahit gažadeapmái, ja dat sáhtá geatnegahttit addit dieđuid ja nammadit áššedovdiid.

Kommišuvnnas lea iežas čállingoddi, man guorahallit veahkehit áššiid iskamiin. Kommišuvnna jodiheaddji sáhtá hilgut gáibádusaid, jos mearráduš iešvuodaidis dáfus lea dakkár ahte dan ii sáhte rahpat ođđasit, ja gáibádusaid, main čielgasit váilu vuoddu. Eará áššiid mearrida kommišuvdna.

Gillájeaddji vuoigatvuodát

Jos gáibádusa meannudišgohtet, de galgá gillájeaddjái/ lagamus mañisbáhccái almmuhuvvot ahte ođđasisrahpan lea gáibiduvvon. Gillájeaddjin/lagamus mañisbáhccáiin dus lea:

- Dábálaččat vuoigatvuoha beassat oaidnit ráŋggáštusáššedokumeanttaid.
- Vuoigatvuoha čálalaččat cealkit iežat oainnu gáibádusa hárrái.
- Vuoigatvuoha bivdit vejolašvuoda čielggadit ášši kommišuvdnii.
- Dábálaččat vuoigatvuoha beassat oaidnit dieđuid, maid kommišuvdna lea čohkken guorahallamisttis.
- Vuoigatvuoha cealkit oainnut

Ráŋggáštusáššiid ođđasisrahpankommišuvdna

| | |
|--|--|
| <p>čohkkejuvvon materiála hárrái.</p> <ul style="list-style-type: none">• Vuoigatvuohta oažžut dieđu kommišuvnna meannudeami bohtosis. <p>Ođđasisrahpankommišuvdna</p> <p>Ođđasisrahpankommišuvdna lea sorjjasmeahtun orgána, mii galgá mearridit meannuduvvogo duopmohasa ášši ođđasit rievttis. Jos mearriduvvo rahpat ášši ođđasit, de galgá sivalašvuodagažaldaga ja/dahje ráŋggáštusa mihtideami árvvoštallat ođđasit eará duopmostuolus, go mii duomu lea cealkán.</p> <p>Ođđasisrahpankommišuvnna lahtut</p> <p>Kommišuvnna lea nammadan Gonagas stáhtarádis, ja das leat vihtta lahtu ja golbma várrelahtu. Jodiheaddjis, várrejodiheaddjis ja</p> | <p>ovtta lahtus galgá leat juridihka ámmáteksámen.</p> <p>Jodiheaddji nammaduvvo čieža jagi áigodahkii, mii ii sáhte jotkojuvvot. Lahtut nammaduvvojit golmma jagi áigodahkii, ja sáhttet nammaduvvot ođđasit oktii.</p> <p>Lahtuin leat ovttas nana ja viiddis vásáhusat duopmostuoluin, áššáskuhtineiseválddis, bealušteaddji ámmáhis, dutkamis ja eará servodateallimis.</p> <p>Sierra guorahallit</p> <p>Jodiheaddji lassin kommišuvnna lea čállingoddi, mas leat logi bargi. Gávccis leat guorahallit ja guovttis kánturbargit. Guhtta guorahalli leat juristtat ja guoktásis lea polesfágalaš duogáš.</p> |
|--|--|

Ráŋggáštusproseassalága mearrádusat

§ 397 vidát lađas.

Kommišuvdna almmuha gillájeaddjái ja mañisbáhccái lágas celkojuvvon ortnegis gáibádusa birra, jos dat ii hilgojuvvo goalmát lađđasa vuodul. Gillájeaddji ja mañisbáhccit lágas mearriduvvon ortnegis galget oažžut dieđu vuoigatvuodasteaset beassat oaidnit dokumeanttaid, cealkit oainnuset ja bivdit beassat čilget ášši kommišuvdnii, ja vejolašvuodas oažžut nammaduvvot veahkkeadvokáhta.

§ 398 nubbi lađas

Gillájeaddji ja mañisbáhccit lágas mearriduvvon ortnegis galget beassat čálalaččat cealkit oainnus gáibádusa hárrái. Gillájeaddji ja mañisbáhccit sáhttet bivdit beassat čilget ášši kommišuvdnii § 398 a njuolggadusaid vuodul.

Oktavuodadieđut

Poastačujuhus: Postboks 2097 Vika, 0125 Oslo

Galledančujuhus: Tordenskioldsgate 6

Telefovdna: 22 40 44 00

Telefákša: 22 40 44 01

E-poasta: post@gjenopptakelse.no

Interneahtta: www.gjenopptakelse.no

Jos dus leat jearaldagat vuoigatvuodainat gillájeaddjin (mañisbáhccin) dahje áššemeannudeami hárrái, bivdit du váldit oktavuoda kommišuvnnain.